

古文淵鑒卷第三十三目錄

唐

陸贄

興元元年奉天改元大赦

興元元年命馬燧渾瑊招討河中制

興元元年命李晟制

論治亂之略疏

論徵稅疏

論納諫疏

論關中事宜狀

論前所答奏未施行狀

請罷瓊林大盈庫狀

論兩稅以布帛爲額狀

請罷兵狀

古文淵鑒卷第三十三

御選

內閣學士兼禮部侍郎教習庶吉士臣徐乾學等奉

旨編注

唐

陸贄

字敬輿蘇州嘉興人。中博學宏詞。德宗時

延齡姦邪。帝發怒。欲誅之。賴陽城等力救。乃貶忠州別駕。卒。贈兵部尚書。諡曰宣。

興元元年奉天改元大赦詔

德宗因朱泚反。出幸奉天。術者

言國家厄運。宜有變更。羣臣請更加尊號。一二字。贄曰。尊號之興。本非古制。行於安

誕告之文仁音如
此故能使當時之
民聞詔書而感泣
也

泰之日已累謙冲襲乎喪亂之時尤傷事
體必也俯稽術數須有變更與其增美稱
而失人心不若黜舊號以祇天戒帝納其
言但改年號而已帝又以中書所撰赦文
示贊贊曰動人以言所感已淺言又不切
人誰肯懷今茲德音悔過之意不得不深
引咎之辭不得
不盡乃別為詔

致理興化必在推誠忘已濟人不恡改過朕嗣守丕
構君臨萬方失守宗祧越在草莽不念率德誠莫追
於既往永言思咎期有復於將來明徵厥初以示天
下明徵厥初言明敘
曩事無所掩覆也
惟我烈祖邁德庇人致俗化於
和平拯生靈於塗炭重熙積慶垂二百年伊爾卿尹

瓊山丘濬曰感人之易者莫如言故人君一言之善雖於深宮之中九重之上四海之遠莫不應之況以德音之宣布詔令之頒行於郡國者哉夫上有由中之誠下必有感孚之效不徒然也觀德宗引過之詔感夫士卒可見矣人君苟能誠實其心審定其命擇視草之臣守渙汗之

庶官泊億兆之衆代受亭育

亭育卽亭毒

以迄於今功存

於人澤垂於後肆予小子獲纘鴻業懼德不嗣罔敢

怠荒然以長於深宮之中暗於經國之務積習易溺

居安忘危不知稼穡之艱難不察征戍之勞苦澤靡

下究情不上通事既壅隔人懷疑阻猶昧省已遂用

興戎徵師四方轉餉千里賦車籍馬遠近騷然行齋

居送衆庶勞止或一日屢交鋒刃或連年不解甲胄

祀奠乏主室家靡依生死流離怨氣凝結力役不息

田萊多荒暴命峻於誅求疲民空於杼軸

杼持緯器布帛織成

信則雖蠢愚之
夫驕悍之卒桀
驚之虜亦無不
感動者况愚直
之民循良之吏
乎

臣熙曰繼綿恒
切感動當時百
世而後猶能令
人撫然所謂渙
汗之音風行而
草偃也

者以機轉死溝壑離去鄉閭邑里丘墟人烟斷絕天
軸卷之轉死溝壑離去鄉閭邑里丘墟人烟斷絕天
譴於上而朕不寤人怨於下而朕不知馴致亂階變
興都邑賊臣乘釁肆逆滔天會莫愧畏敢行陵逼萬
品失序九廟震驚唐太廟有九室上辱於祖宗下負於黎庶
痛心覲貌罪實在予求言愧悼若墜泉谷泉谷即淵谷唐人避
之諱改賴天地降佑人神叶謀將相竭誠爪牙宣力屏
除大盜載張皇維將弘求圖必布新命朕晨興夕惕
惟念前非乃者公卿百寮累抗章疏猥以徽號加於
朕躬固辭不獲俯遂興議昨因內省良用矍然體陰

陽不測之謂神與天地合德之謂聖。顧惟淺昧非所
宜當。文者所以化成。武者所以定亂。今化之不被亂
是用興。豈可更徇羣情。苟膺虛美。重予不德。祇益懷
慙。自今以後。中外所上書奏。不得更稱聖神文武之
號。建中元年羣臣上德宗尊號曰聖神文武皇帝夫人情不常。繫於時化。大
道既隱。亂獄滋豐。朕旣不能弘德導人。又不能一法
齊衆。苟設密網。以羅非辜。爲之父母。實增愧悼。今上
元統曆。獻歲發生。宜革紀年之號。式敷在宥之澤。與
人更始。以答天休。可大赦天下。改建中五年爲興元

臣德宜曰天之
所助者順人之
所好者謙引咎
推恩實感動天
人之理

元年自正月一日昧爽以前大辟罪已下罪無輕重
咸赦除之李希烈田悅王武俊李納等有以忠勞任
膺將相有以勳舊繼守藩維朕撫馭乖方信誠靡著
致令疑懼不自保安兵興累年海內騷擾皆由上失
其道下罹其災朕實不君人則何罪屈已弘物予何
愛焉庶懷引慝之誠以治好生之德其李希烈等並
與洗滌各復爵位待之如初朱滔雖與賊泚連坐
此滔弟路遠未必同謀朕方推以至誠務欲弘貸如能效
順亦與惟新其河南北諸軍兵馬並宜各於本道自

固封疆勿相侵軼。朱泚大爲不道。棄義蔑恩。反易天
常。盜竊名器。暴犯陵寢。所不忍言。獲罪祖宗。朕不敢
赦。其應被朱泚脇從將士官吏百姓及諸色人等有
遭其扇誘有迫以克威苟能自新一切不問人之行
業或未必兼構大厦者方集於羣材建奇功者不限
於常檢苟在適用則無棄人况黜免之人沉鬱旣久
朝過夕改仁何遠哉。流移降黜亡官失爵配隸人等
有材能著聞者特加錄用勿拘常例。諸軍使諸道赴
奉天及進收京城將士等或百戰摧敵或萬里勤王

扞固全城驅除大憝濟危難者其節著復社稷者其
業崇我圖爾功特加彝典錫名疇賦永末無窮宜並
賜名奉天定難功臣身有過犯遞減罪三等子孫有
過犯遞減罪二等見危致命先哲攸貴掩骼埋胔禮
典所先雖效用而或殊在側隱而何間諸道將士有
死王事者各委所在州縣遞給送歸本管官爲葬祭
其有因戰陣殺戮及擒獲伏辜暴骨原野者亦委所
在逐近便收葬自頃軍旅所給賦役繁興吏因爲姦
人不堪命咨嗟怨歎道路無聊汔可小康與之休息

其墊陌及稅間架竹木茶漆權鐵等諸色名目悉宜

停罷

建中四年戶部侍郎趙贊請稅屋間架及除陌錢至是始罷

京畿之內屬此

寇戎攻劫焚燒靡有寧室王師仰給人以重勞特宜

減放今年夏稅之半朕以克醜犯闕遽用于征爰度

近郊息駕茲邑軍儲克辦師旅攸寧式當褒旌以志

吾過其奉天宜升爲赤縣百姓並給復五年尚德者

教化之所先求賢者邦家之大本永言茲道夢想勞

懷而澆薄之風趨競不息幽棲之士寂寞無聞蓋誠

所未孚故求之未至天下有隱居行義才德高遠晦

迹丘園不求聞達者。委所在長吏。具姓名聞奏。當備
 禮邀致。諸色人中有賢良方正。能直言極諫。及博通
 墳典。達於教化。并洞識韜鈴。堪任將帥者。委常叅官
 及所在長吏聞薦。天下孤老鰥寡。惇獨不能自活者。
 並委州縣長吏量事優恤。其有年九十已上者。刺史
 縣令就門存問。義夫節婦孝子順孫。旌表門閭。終身
 勿事大兵之後。內外耗竭。貶食省用。宜自朕躬。當節
 乘輿之服。御絕宮室之華飾。率已師儉。爲天下先。諸
 道貢獻。自非供宗廟軍國之用。一切並停。布澤行賞。

止罪狀懷光一人
無一語及朔方將
士所以離散黨與
收拾人心妙有機

抑惟舊章。今以餘孽未平。帑藏空竭。有乖慶賜。深愧
於懷。赦書有所未該者。委所司類例條件。聞奏。敢以
赦前事相言。告以其罪。罪之亡命山澤。挾藏軍器。百
日不首。復罪如初。赦書日行五百里。布告遐邇。咸使
聞知。詔下四方人心大悅。山東
宣布詔書。士卒皆感泣。

興元元年。命馬燧。渾瑊。招討河中制。朔方節
度使李

懷光反。詔馬
燧。渾瑊。討之。

天地殊位。君臣異制。苟不率道。茲謂亂常。退而增修
於是有舞干之義。諭以遷善。於是有文告之辭。若猶

未俊乃用致討興戎動衆豈得已哉李懷光擢自軍
候委之節制亟有勤績累加寵榮總衆駿奔自遠赴
難解圍盪寇朕甚德之懷光初自蒲城趨涇陽敗朱
泚兵于醴泉遂解奉天之圍
位極上台寄崇統帥親之若同體信之無間言朕於
斯人亦已厚矣而器小任重固貽顛覆有功自棄無
罪自疑時上欲親總禁兵幸咸陽趣諸將進討或謂
懷光此漢祖遊園夢之策也懷光懼反謀益
甚對使者投崇信讒邪却逐將帥養寇資亂蓄姦幸
鐵券於地
災朕素所推誠猶謂非實優容任遇坦然如初凶德
既盈醜迹彌露謀危社稷通結渠魁公相往來無復

臣廷敬曰無張
皇之氣而有謁
惻之情以見用
兵非得已至於
明任遇之優崇
獎彼軍之忠義
皆廟筭之長者
也

畏忌

懷光養子石演芬告懷光潛與朱泚通謀且宣言吾與泚連和車駕且當遠避窮極克

悖所不忍言朕播遷巴梁遠違陵寢

懷光逼帝自奉天幸山南

大

懼失墜為列聖羞賴先澤在人兆庶知感朔方將士

忠節不渝

懷光既反羣下多叛之

懷光既沮姦謀詭稱効順累

陳欵疏請詣闕庭朕深惟舊勳務欲全貸授以師保

之重疇其井賦之食璽書勞問誓以始終懷光遂殺

辱使臣完聚守備

時授懷光太子太保罷其副元帥等官遣孔巢父往宣諭之懷光左

右殺巢父及中使談守

將以悖慢之罪加於忠義之

盈復治兵為拒守之備

因茲脅從與同惡謂眾

軍

朔方軍士於安史亂後最為有功推忠義軍

因茲脅從與同惡謂眾

臣鴻緒曰陸贄所草制勅更無他奇只是開誠布公一字一句皆從肺腑中出此制雖專逮燧戒勤勤懇懇自足深入人心卒成再造之勳夫豈偶然

可。罔。謂。天。可。欺。覆。載。所。不。容。人。神。所。共。棄。討。除。大。憝。
招。輯。非。辜。爰。容。輔。臣。以。董。戎。寄。檢。校。司。徒。平。章。事。北。
平。郡。王。馬。燧。操。業。端。亮。器。宇。閎。達。秉。難。奪。之。節。負。不。
羈。之。才。恒。持。至。誠。深。識。大。體。感。慨。而。三。軍。有。勇。彌。綸。
而。庶。績。允。諧。威。聲。所。臨。郡。邑。皆。復。殿。於。北。土。隱。若。長。
城。兵。馬。副。元。帥。樓。煩。郡。王。渾。瑊。淳。粹。積。衷。仁。厚。成。性。
布。寬。大。以。容。衆。著。誠。信。以。撫。人。事。必。沉。詳。臨。危。益。辦。
節。惟。貞。固。在。險。逾。彰。弘。濟。艱。難。茂。昭。勳。閔。出。納。朕。命。
光。膺。具。瞻。並。文。武。全。才。安。危。注。意。副。我。憂。矚。時。維。二。